



**ЎЗБЕКИСТОН РЕСПУБЛИКАСИ НОМИДАН
ХАЛ ҚИЛУВ ҚАРОРИ**

Қўқон шаҳар

2022 йил 05 май

4-1502-2201/426-сон иш

Қўқон туманлараро иқтисодий суди, судья Ж.Эргашевнинг раислигида, судья ёрдамчиси Д.Маматқуловнинг котиблигида, даъвогар “Musavartex” масъулияти чекланган жамиятининг жавобгар “Sheryurak Faxri” фермер хўжалигидан 157.606.373 сўм ундириш тўғрисидаги даъво аризаси бўйича ишни даъвогар вакили Н.Шахобидинов (ишончнома ва ордер асосида)нинг иштирокида, ўз биносида ўтказилган суд мажлисида кўриб чиқиб, қуйидагиларни

а н и қ л а д и :

“Musavartex” масъулияти чекланган жамияти (бундан буён матнда даъвогар деб юритилади)нинг судга даъво аризаси билан мурожаат қилиб, “Sheryurak Faxri” фермер хўжалиги (бундан буён матнда жавобгар деб юритилади)дан 157.606.373 сўм ундиришни сўраган.

Даъвогар вакили суд мажлисида даъвони қувватлаб, уни қаноатлантиришни сўради.

Жавобгар ишни кўриш вақти ва жойи ҳақида белгиланган тартибда хабардор этилган бўлса-да суд мажлисида вакил иштирокини таъминламади ва даъвога нисбатан ўз эътирозларини билдирмади.

Суд ишни унинг иштирокисиз кўришни лозим топди.

Суд ишдаги тўпланган ҳужжатларни ўрганиб, ишда иштирок этувчи шахслар вакилнинг тушунтиришларини тинглаб, қуйидагиларга кўра даъвони тўлиқ қаноатлантиришни лозим топди:

аниқланишича, тарафлар ўртасида 2021 йилнинг 15 март куни пахта хом ашёси ва уруғлик пахта харид қилиш бўйича 34-сонли шартнома тузилган.

Шартноманинг 1.1-бандига асосан хўжалик 2021 йилнинг бизнес режасига асосан султон навли 103.2 тонна пахта хом ашёсини харидорга етказиб бериш, харидор эса ушбу маҳсулотларни келишилган муддатларда қабул қилиб олиш ва муаян нарх бўйича ҳақини тўлаш мажбуриятини олган.

Шу тариқа даъвогар жавобгарга бўнак тариқасида 258.894.764 сўм, пахта терими учун 25.706.100 сўм ўтказиб берган.

Лекин, жавобгар умумий қиймати 136.159.555 сўм бўлган, 21.5 тонна пахта хом ашёсини етказиб берган бўлиб, белгиланган режадан бажармаган.

Бунинг оқибатида тўланган тўловлар қиймати қайтарилмаган.



Шунингдек, даъвогар даъво аризасида жавобгардан етказиб берилган уруғлик маҳсулотлари учун қайтарилмаган 9.165.064 сўмни ундириш талабини ҳам қўйган.

Даъвогар жавобгарга мазкур шартнома бўйича умумий қиймати 167.488.295 сўм бўлган чигит уруғлик маҳсулотлари етказиб берган, лекин 9.165.064 сўм қийматидаги тўловлар қайтарилмаган.

Даъвогар жавобгарга талабнома юборган, бироқ у оқибатсиз қолдирилган.

Ўзбекистон Республикаси Фуқаролик кодекси (бундан буён матнда ФК деб юритилади)нинг 236-моддасига мувофиқ, мажбуриятлар мажбурият шартларига ва қонун ҳужжатлари талабларига мувофиқ, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Жавобгарнинг даъвогардан қарзи мавжудлиги иш ҳужжатларидаги далиллар билан тасдиқланганлиги сабабли суд даъво аризасидаги 258.894.764 сўм бўнак суммаси, пахта терими учун тўланган 25.706.100 сўмни ундириш ҳақидаги даъво талабини қаноатлантиришни лозим топди.

Ўзбекистон Республикаси Иқтисодий процессуал кодекси 118-моддасининг биринчи қисмида суд харажатлари ишда иштирок этувчи шахсларга уларнинг қаноатлантирилган даъво талаблари миқдорига мутаносиб равишда юкланиши белгиланган.

Юқоридагиларга кўра, суд даъво аризасини тўлиқ қаноатлантиришни, жавобгардан даъвогар фойдасига 157.606.373 сўм асосий қарз, 3.152.128 сўм тўланган давлат божи ва 21.600 сўм почта харажатларини ундиришни лозим топади.

Баён этилганларга кўра ҳамда Ўзбекистон Республикаси Иқтисодий процессуал кодексининг 176-179-моддаларини қўллаб, суд

ҚАРОР ҚИЛДИ:

Даъво аризаси тўлиқ қаноатлантирилсин.

Даъвогар “Musavartex” масъулияти чекланган жамияти фойдасига жавобгар “Sheryurak Faxri” фермер хўжалиги ҳисобидан 157.606.373 сўм асосий қарз, 3.152.128 сўм тўланган давлат божи ва 21.600 сўм почта харажати, жами 160.780.101 сўм ундирилсин.

Мазкур ҳал қилув қарори устидан бир ойлик муддатда шу суд орқали Фарғона вилоят судининг иқтисодий ишлар бўйича судлов ҳайъатига апелляция тартибида шикоят бериш (протест келтириш) мумкин.

Раислик қилувчи

Ж. Эргашев



ЎЗБЕКИСТОН РЕСПУБЛИКАСИ НОМИДАН
ҲАЛ ҚИЛУВ ҚАРОРИ
(хулоса қисми)

Қўқон шаҳар

2022 йил 05 май

4-1502-2201/426-сон иш

Ўзбекистон Республикаси Иқтисодий процессуал кодексининг 176-179-моддаларини қўллаб, суд

ҚАРОР ҚИЛДИ:

Даъво аризаси тўлиқ қаноатлантирилсин.

Даъво аризаси тўлиқ қаноатлантирилсин.

Даъвогар “Musavartex” масъулияти чекланган жамияти фойдасига жавобгар “Sheryurak Faxri” фермер хўжалиги ҳисобидан 157.606.373 сўм асосий қарз, 3.152.128 сўм тўланган давлат божи ва 21.600 сўм почта харажати, жами 160.780.101 сўм ундирилсин.

Мазкур ҳал қилув қарори устидан бир ойлик муддатда шу суд орқали Фаргона вилоят судининг иқтисодий ишлар бўйича судлов ҳайъатиغا апелляция тартибида шикоят бериш (протест келтириш) мумкин.

Раислик қилувчи

Ж. Эргашев

Ҳужжат имзоланган: Эргашев Жуманазар Одилович, 05.05.2022

